


# Statutas

Uniun da catschadurs  
Greina-Sumvitg



Surrein, ils 22 da schaner 2016

Uniun da catschadurs Greina, Sumvitg  
[www.catschadurs-greina.ch](http://www.catschadurs-greina.ch)

# **STATUTAS**

## **Uniun da catschadurs Greina-Sumvitg**

### **I. Num e domicil**

#### **Num e domicil**

**Art. 1** Sut il num uniun da catschadurs Greina, scursani UCG exista tenor cedis civil svizzer art. 60 ff. ina uniun da catschadurs dalla vischnaunca da Sumvitg. Ella ei vegnida fundada igl onn 1938  
La fuorma linguistica applicada duei plidentar omisduas schlatteinas.

### **II. Intent e finamira**

#### **Intent e finamira**

**Art. 2** La UGC ha per finamira da formar ses commembers e promover in bien spért cun tgirar igl interess dils catschadurs.

- entras mantener la basa per ina biala e sauna catscha da patenta en nies cantun.
  - entras ina buna tgira e bien quitau per ils animals selvadis en special cun
  - defender e promover igl ambient dil spazi da viver per nossas selvaschinias.
  - entras esser commembra dall'uniun cantunala BKPJV e dil district 1 cun enconuscher lur stastutas e reglaments.
  - perseguitar e sedar giu spirontamein cun fatgs e politica da catscha
  - dad esser neutrals en fatgs da partidas politicas e confessiunalas.

### **III. Commembers, dretgs ed obligaziuns**

#### **Appartenza e representanza**

**Art. 3** Alla UCG appartegnan en principi catschadurs cun domicil ella vischnaunca da Sumvitg.  
Catschadurs senza domicil en la vischnaunca da Sumvitg che van en nossa regiun a catscha san era daventar commembers.

#### **Commembers A**

**Art. 4** Commember A sa mo quel daventar che posseda las premissas per il dretg d'ir a catscha e sa retrer la patenta, sco era commembers libers, d'honur, veterans e survigiladers da catscha.

#### **Mintga commember A ha il dretg da:**

- far propostas
- votar
- vegnir elegius
- seprofitar d'acziuns dall'uniu cant UCDC
- separticipar a scadina occurenza organisada dalla UCG

#### **Mintga commember A ei obligaus da:**

- assister allas radunonzas
- ademplir las obligaziuns finanzialas enviers la UCG
- segidar tenor meglier saver e puder en tuttas spartas organisatoricas
- segidar tenor basegns vid la tgira d'animals selvadis

#### **Commembers B**

**Art. 5** Commember B sa mintga commember A d'inautra secziun dall'uniu cantunala daventar.  
Mintga commember B ha ils medems dretgs e las medemas obligaziuns sco il commember A, priu ora en fatgs dall'uniu cantunala da catschadurs da patenta. (art. 9 dallas statutas dall'uniu cantunala UCDC)

#### **Commembers libers**

**Art. 6** Commembers che cumpleneschan il 75avel onn da naschientscha e ch'ein stai duront ils davos 25 onns senza interrupziun commember A d'ina secziun dall'UCDC daventan commembers libers. Commembers libers ein delibera dil pagament dalla contribuziun annuala. Mo ils cuosts per la gasetta da catscha vegnan tschentai a quen.  
Commembers libers han ils medems dretgs e las medemas obligaziuns sco commembers A.

#### **Candidats per la patenta da catscha**

**Art. 7** Persunas ch'ein s'annunziadas el cantun Grischun per igl examen da catscha san vegnir recepidas en la secziun sco candidads. Els ein bu legitimai da votar,e vegnir elegi en funcziuns. Per els paga la secziun negina contribuziun alla BKPJV. Ils candidads pagan negina contribuziun annuala alla secziun. Aschi spert sco els obtegnan la lubientscha d'exequir la catscha el cantun Grischun valan els sco commembers A.  
Alla radunanza generala han ils candidads d'esser presents, en cass cuntrari san els bu vegni recepi.

## **Commembers passivs C**

**Art. 8** Commember passiv san persunas che han buca il dretg dad ir a catscha, scadin simpatisant, sco era persunas giuridicas daventar che sustegnan la UCG moralmein e finanzialmein cun star en per ils dretgs dil catschadur Grischun e pagar la contribuziun annuala. Els han la pusseivladad dad abonar la gasetta dil BKPJV.

### **Mintga commember passiv ha il dretg da:**

- assister allas radunonzas cun vusch consultativa, (negin dretg da votar)
- segidar vid la tgira d'animals selvadis, sco era vid autres spartas organizatoricas dalla UCG

### **Mintga commember passiv ei obligaus da:**

- pagar la contribuziun annuala
- sustener e star en per ils dretgs dils catschadurs

Commembers passivs C han buca il dretg da vegni elegi en uffecis da l'UCG

## **Recepziun da commembers**

**Art. 9** La damonda per daventar commember dalla Secziun da catschadurs Greina (UCG) ei da tschentar a scret per mauns dalla suprastanza cun indicar las persunalias. Sur dalla recepziun definitiva decida la radunanza generala. A quella han ils candidats d'esser presents, en cass cuntrari san els bu vegni recepi. Ina recepziun sa vegrir refusada , sch'ina conduita donnegionta enviers la secziun , il BKPJV ni il destrict 1 semuossa.

Encunter in'eventuala refusada dil commembradi A sa vegrir fatg recuors a sret enteifer 30 dis tier la suprastanza centrala dall'unio cantunala Grischuna da catschadurs (BKPJV) Quel decida lu definitivamein la caussa.

Cun la recepziun alla Secziun da catschadurs Greina sesuttameta il niev commember automaticamein allas obligaziuns sco era als dretgs dils statuts avon maun.

## **Extrada da commembers**

**Art. 10** In'extrada ord la UCG ei da drizzar a scret al president sil pli tard 4 jamnas avon la radunanza generala.  
Cun l'extrada sco commember piarda quel tuts dretgs visavi la UCG, sco era vid lezza facultad. Per igl onn da fatschenta eis el denton aunc obligaus d'ademplir las obligaziuns finanzialas visavi la UCG.

## **Exclusiun da commembers**

**Art. 11** Commembers che cunterfan als interess dalla UCG e sesutamettan buca a lezzas ordinaziuns, san tras ina radunanza generala cul maun pli vegrir excluder sco commember da tala.  
Ei in commember en retard cun pagaments visavi la UCG e paga malgrad admoniziu a scret buca las contribuziuns sil termin fixau, vegr el tras la radunanza generala sclaus sco commember.  
Commembers A e B che assistan buca alla radunanza generala senza ina valeivla perstgisa, che sefutran da lur posts da lavur san tras la radunanza generala vegrir sclaus sco commembers.  
Cun l'exclusiun d'in commember piarda quel tuts dretgs e regress visavi la UCG e sia facultad.  
Encunter in'exclusiun sa il pertuccau recuorer a scret enteifer 30 dis tier la suprastanza centrala dalla UCDC. Quella decida definitiv.

## **IV. Undrientschas a commembers**

### **Commembers honoraris**

- Art. 12** Commember honorari sa ina persuna ch'ei sefatga grondamein (extraordinariamein) meriteivla per la secziun UCG, dil BKPJV ni dil district 1 vegnir numnada entras la radunonza generala. Leutier drova ei 2/3 dallas vuschs dils presents. Ils Commembers honoraris gaudan vinavon ils dretgs tenor art. 4 alinea 2, ein denton libers da tuttas taxas ed obligaziuns visavi la UCG. Els dueien vegnir undrai entras la surdada d'in present. Miera in commember honorari ni activ, sche cumpogna ina delegazion dalla UCG el tier il davos ruaus.
- Art. 13** A persunas che han en ina sparta ni l'autra prestau ordvart bia lavur sigl intschess dalla UCG, sa la suprastanza surdar in present sco renconuschienscha. Quella distincziun deliberescha denton buca dallas contribuziuns ed obligaziuns.
- Art. 14** Per commembers ch'ein sefatgs grondamein meriteivels visavi l'uniun cantunala UCDC surdat lezza suandontas undrientschas:
- Distincziun da meret (Verdienstauszeichnung)
  - Distincziun da tgira (Hegeauszeichnung)
  - Commember honorari cantunal
  - Commember liber cantunal
  - Veteran cantunal
- Vul la UCG far diever d'ina undrientscha per in commember, valan per modus ils artechels 35, 36, 37 e 38 dallas statutas dall'uniun cant. UCDC

## V. Organisaziun

### Organisaziun

**Art. 15** Ils organs dalla UCG ein:

- La radunonza generala
- Radunonza generala extraordinaria
- La suprastonza
- Ils revisurs da quen

### La radunonza generala

**Art. 16** La radunonza generala ha liug mintg'onn enteifer ils meins schaner tochen avrel.

Igl onn da fatschenta croda ensemens cun la radunonza generala.

L'invitaziun alla radunonza inclus la giesta da tractandas ei da tarmetter a secret a scadin commember silmeins 15 dis avon la radunonza. In cuort preavis duei vegin publicaus avon la radunonza el fegl ufficial dalla Surselva.

Tractandas dalla radunonza generala ein:

- 1) Appel ed elecziun da dus dumbra-vuschs
  - 2) Approbaziun dalla giesta da tractandas
  - 3) Prelecziun ed approbaziun dil protocol
  - 4) Orientaziuns
  - 5) Rapport dil president
  - 6) Rendaquen, rapport dils revisurs ed apporbaziun dil quen
  - 7) Approbaziun dil preventiv e fixaziun dallas contribuziuns annualas
  - 8) Program da lavur
  - 9) Rapport annual dil cau da tgira
  - 10) Conclus sur midadas da statutas e reglements
  - 11) Conclus sur propostas per mauns dalla suprastonza centrala
  - 12) Recepziun da novs commembers
  - 13) Elecziuns per ina perioda d'uffeci da 2 onns  
suprastonza
- revisurs da quen e substitut

Ein duront ina perioda d'uffeci singuls posts daventai vacants, veginan tals remplaçzai la proxima radunonza e valan per il rest da quella perioda.

14) Elecziuns per ina perioda d'uffeci d'in onn:

– dils delegai e substituts tenor art. 15 a dallas statutas dalla uniu cantunala (UCDC)

15) Honoraziuns

16) Varia

Propostas da commembers per mauns dalla radunonza ein d'inoltrar en secret alla suprastonza silmeins 10 dis avon la radunonza.

Sur propostas che figureschan buca sin la giesta da tractandas sa la radunonza prender decisiun mo sche 2/3 dils presents (activs) ein persuenter.

### Radunonzas extraordinarias

**Art. 17** Radunonzas extraordinarias san vegin convocadas entras la suprastonza ni sin exprimiù giavisch da silmeins 1/5 dils commembers activs.

Concernent l'invitaziun valan las medemas determinaziuns sco en questas statutas, art. 16 alinea 2.

## **La suprastonza**

**Art. 18** La suprastonza consista da 5 commembers:

- President
- actuar/vice-president
- cassier
- cau da material
- cau da tgira

La suprastonza ei i gl organ executoric dalla UCG. Ella diregia tuttas fatschentas administrativas/organisatoricas dalla UCG, ed ei cumpetenta da decider sche silmeins 3 commembers ein presents.

Ella sa decider sur d'expensas entochen frs. 1000.– per onn.

Sco ulteriurs funczionaris ageschan:

- 2 revisurs da quen
- Responsabel per la pagina d'internet
- Substitut dil cau da tgira

## **Pensums dalla suprastonza**

**Art. 19** II president survigilescha e coordinescha tuttas fatschentas dalla UCG. El diregia las sessiuns da suprastonza ed empeila las radunonzas. Medemamein exequescha el tutta correspondenza, procura il rapport annual. Plinavon survigilescha el ils ulteriurs suprastonts, e representa la UCG anoviars. Sche treis commembers da suprastonza pretendan ina sessiun eis el obligaus da clamar ensem la suprastonza.

Igl actuar redegia ils protocols da tuttas radunonzas, sessiuns da suprastonza ed otras sedutas. Sur occasiuns da pli gronda muntada duei el era menar ina cuorta cronica. Plinavon segida el cul president e remplazza lez en cass d'absenza.

II cassier procura il traffic da cassa ed administrescha la facultad dalla UCG. EI fa i gl incasso dallas contribuziuns, tarmetta a temps la gliesta da commembers e fa giu quen cul cassier central. Plinavon meina el ina exacta cartoteca da tuts commembers. Ina gada ad onn avon la radunanza generala metta el a disposiziun il quen als revisurs.

Il survigilader da material ei responsabels per in bien manteniment dils stans da sittar, sco era dil material, e meina ina gliesta d'inventari.

II cau da tgira ei responsabels per in continuau menaschi da tgira pils animals selvadis conform allas prescripziuns da tgira cantunalas e da nossa secziun. El procura per mauns dalla radunanza in rapport annual sur sia acziun. En fatgs da tgira representa el la secziun anoviars. La cassa da tgira ch'el meina e survigilescha, lai el reveder mintg'onn ils revisurs da quen.

## **Ils revisurs da quen**

**Art. 20** La radunanza generala elegia dus revisurs da quen. Ils revisurs controlleschan mintg'onn avon la radunanza generala ils quens e rendan rapport alla radunanza generala. Els han il dretg da controllar quens e protocols.

## **VI. Finanzas**

### **Contribuziuns**

**Art. 21** Las contribuziuns annualas dils commembers A, B e commembers passivs veggan fixadas dalla radunanza generala sin proposta dalla suprastonza. Ils commembers da suprastonza dalla UCG ein deliberai dil pagament dalla contribuziun annuala. Mo ils cuosts per la gasetta da catscha veggan tschentai a quen.

## **VII. Determinaziuns generalas**

### **Suttascripziun**

**Art. 22** La suttascripziun giuridica per la UCG han:

- en caussa d'administraziun: il president ensemencun igl actuar
- en caussa finanzas: il president ensemencun il cassier
- n caussa tgira: il president ensemencun il cau da tigra
- 

### **Responsabladad**

**Art. 23** Per las obligaziuns dalla UCG ha sulettamein la facultad dalla secziun da star buna. Ina responsabladad persunala dils commembers ei exclusa.

## VIII. Determinaziuns finalas

### Revisiun da statuts

**Art. 24** Ina revisiun parziala ni totala da questas statutas ei resalvada alla radunanza generala ni extraordinaria. Quella ei autorisada da decider sche tala ei publicada sin gliesta da tractandas.

### Soluziun

**Art. 25** La soluziun dalla UCG sa succeder mo sche il diember dils commembers activs sesminuescha sut 15 ed igl ei els proxims onns buca da quintar cun in carschament da commembers.

Tier ina soluziun dalla UCG va igl entir menaschi da facultad da cassa e protocols vi alla suprastonza centrala dalla UCDC per administraziun per ina eventuala nova sezioni.

Vegn ei enteifer 10 onns fundau negina sezioni da catschadurs sin il territori dalla vischnaunca da Sumvitg croda la facultad vi alla uniu cantunala UCDC

Questas statutas ein vegnidas approbadas dalla radunanza generala dils 22-1-2016 e remplazzan las statutas dils 10-2-1995. Ellas van en vigur suenter l'approbaziun entra la suprastonza centrala dalla UCDC.

Surrein, 22.01.2016

Il president:

Beni Cathomas

Igl actuar:

Ursin Giger

Genehmigt durch den Zentralvorstand des BKPJV am: 09.03.2016

Der Präsident:

Robert Brunold

Mietglied Zentralvorstand

C. Kasper